

傷寒論方解上

目錄

桂枝湯

桂枝加葛根湯

桂枝加附子湯

桂枝加厚樸杏子仁湯

桂枝加芍藥生薑人參新加湯

桂枝加桂湯

桂枝加芍藥湯



桂枝加大黃湯

桂枝去芍藥湯

桂枝去芍藥加附子湯

桂枝去芍藥加蜀漆龍骨牡蠣救逆湯

桂枝甘草湯

桂枝甘草龍骨牡蠣湯

桂枝人參湯

桂枝附子湯

桂枝附子去桂加白朮湯



桂枝去桂加茯苓白朮湯

桂枝麻黃各半湯

桂枝二麻黃一湯

桂枝二越婢一湯

葛根湯

葛根加半夏湯

葛根黃連黃芩湯

麻黃湯

大青龍湯



小青龍湯

麻黃杏仁甘草石膏湯

麻黃連軀赤小豆湯

麻黃附子細辛湯

麻黃附子甘草湯

麻黃升麻湯

芍藥甘草湯

芍藥甘草附子湯

甘草附子湯



甘草乾薑湯

附子湯

真武湯

四逆湯

茯苓四逆湯

四逆加入參湯

通脈四逆湯

通脈四逆加猪膽汁湯

白通湯



白通加猪膽汁湯

乾薑附子湯

吳茱萸湯

理中丸

小建中湯

茯苓桂枝甘草大棗湯

茯苓桂枝白朮甘草湯

五苓散

茯苓甘草湯



猪苓湯

牡蠣澤瀉散

厚樸生薑甘草半夏人參湯

旋覆代赭湯

梔子豉湯

梔子甘草豉湯

梔子生薑豉湯

梔子枳實豉湯

梔子厚樸湯



梔子乾薑湯

梔子蘗皮湯

茵陳蒿湯



南京中醫藥大學圖書館版權所有

傷寒方解卷上

侯官陳恭溥著

桂枝湯

長男漢王校

桂枝 三兩去皮枝 芍藥 二兩

取皮肉一色 甘草 二兩

炙 生薑 三兩

大棗 十二枚 擘已

上五味。咬咀。以水七升。微火煮取三升。去滓。適寒溫。服一升。服

已須臾。啜熱稀粥一升餘。以助藥力。溫覆令一時許。遍身皦皦

微似有汗者。益佳。不可令如水流漓。病必不除。若一服汗出病

瘥。停後服。不必盡劑。若不汗。更服。依前法。又不汗。後服小促其

間。半日許。令三服盡。若病重者。一日一夜。周時觀之。服一劑盡

病證猶在者。更作服。若汗不出。乃服至二三劑。禁生冷粘滑肉



麴五辛酒酪臭惡等物。

桂枝氣味辛溫。入手足太陽經。乃水中所生之木。火能引水。中之陽氣。上交於天。助心主之神機。遊行關節。通利三焦。溫經調脈。去風解肌。具純和之性。有君子之德焉。芍藥氣味苦平。花開於二氣之中。得少陰君火之氣。能益神氣。以助肌中之血。通脾絡。和諸陽。甘草氣味甘平。得中和之氣。有國老之稱。能調和藏府。通貫陰陽。解毒緩急。又其專長。生薑氣味辛溫。能宣達中胃之逆氣。止嘔散寒。大棗氣味甘平。脾之果也。能助脾氣之轉輸。而為胃行其津液。通九竅。助十



二經以和百藥

桂枝湯宣達陰陽調和榮衛解肌達表能發能收之方也謂之
太陽中風有汗之主方也可謂之六經風傷肌腠之總方也可
謂之雜病調和氣血之方也亦無不可本論太陽篇曰太陽中
風陽浮而陰弱陽浮者熱自發陰弱者汗自出啻啻惡寒淅淅
惡風翕翕發熱鼻鳴乾嘔者此方主之此解風傷太陽通體之
肌腠者也又曰太陽病頭痛發熱汗出惡風者此方主之此解
風傷太陽之高表者也又曰太陽病初服桂枝湯反煩不解者
先刺風池風府却與此方則愈此先通經脈後解經氣之法者



医药大学图书馆版权所有

也。又曰：服桂枝湯脈洪大者，與此方如前法。此解肌腠有餘，不盡之邪者也。又曰：太陽病外證未解，脈浮弱者，當以汗解。宜此方。此助血氣以解肌腠者也。又曰：太陽病外證未解，不可下也。下之爲逆。欲解外者，宜此方。此言病在外者，當以此方從外解之也。又曰：太陽病先發汗不解而復下之，脈浮者不愈，浮爲在外，而反下之，故令不愈。今脈浮，故知在外，當先解外，宜此方。此言雖下而病未離本，治當從本而用此方也。又曰：病常自汗出者，此爲榮氣和，榮氣和者外不諧，以衛氣不共榮氣和，諧故爾。榮行脈中，衛行脈外，復發其汗，榮衛和則愈，宜此方。此調榮氣



以和衛氣者也。又曰：病人藏無他病，時發熱，自汗出而不愈者，先其時發汗則愈。宜此方。此調衛氣以和榮氣者也。又曰：傷寒不大便六七日，頭痛有熱者，與承氣湯。其小便清者，知不在裏，仍在表也。須當發汗。若頭痛者，必衄。宜此方。言此方之和表氣，亦可以通裏氣也。又曰：傷寒發汗已解，半日許復煩，脈浮者，可更發汗。宜此方。此解汗後未盡之餘邪者也。又曰：傷寒醫下之，續得下利，清穀不止，身體疼痛者，急當救裏。後身疼痛，清便自調者，急當救表。救裏宜四逆湯，救表宜此方。此宣發中焦之精氣，以調經脈者也。又曰：太陽病發熱，汗出者，此為榮弱衛強，故



使汗出欲救邪風者宜此方。此抑衛強以和榮氣者也。又曰傷寒大下後復發汗。心下痞惡寒者。表未解也。不可攻痞。當先解表。表解已乃可攻痞。解表宜此方。此助心主之神機以外達者也。又陽明篇曰。陽明病脈遲汗出多微惡寒者。表未解也。可發汗。宜此方。此解陽明之病在肌腠者也。又曰病人煩熱汗出則解。又如瘧狀日晡所發者屬陽明也。脈實者宜下之。脈浮虛者宜發汗下之。宜大承氣湯發汗宜此方。此解陽明肌腠之寒熱者也。又太陰篇曰。太陰病脈浮者可發汗。宜此方。此解太陰之病在肌腠者也。又厥陰篇曰。下利腹脹滿身體疼痛者。先溫其

裏乃攻其表。溫裏宜四逆湯。攻表宜此方。此升太陽之氣於中者也。又霍亂篇曰：吐利止而身痛不休者，當消息和解其外。宜此湯小和之。此和病後之氣血經脈者也。桂枝湯之功用大矣哉。蓋桂枝之辛，合芍藥之苦，所謂苦辛化氣也。一陰一陽，分兩均重，氣血所以調和也。桂薑之辛，合草棗之甘，辛甘化陽，所以能宣達陽氣，發散風邪也。芍藥之苦，合草棗之甘，苦甘化陰，所以能滋養陰血，汗出無傷也。服後啜粥者，以水穀之精助血液，以爲汗而祛邪也。雖然有所宜，亦有所忌。桂枝之辛能走氣，則凡氣虛作嘔者忌之。故本論曰：凡服桂枝湯吐者，其後必吐。

膿血也。蓋氣走則傷陽絡也。桂枝湯之甘能緩中。則凡脾不喜
甘者忌之。故曰若酒客病不可與桂枝湯。得之則嘔。以酒客不
喜甘故也。桂枝湯之治在肌腠。則凡病在皮毛與脈絡藏府者
皆非所宜。故曰桂枝本爲解肌。若其人脈浮緊發熱汗不出者
不可與之。當須識此勿令誤也。此病在皮毛之非所宜者也。又
曰太陽病三日已發汗。若吐若下若溫針。仍不解者。此爲壞病。
桂枝不中與也。觀其脈證。知犯何逆。以法治之。此病在藏府之
非所宜者也。又曰太陽病下之。其氣上衝者。可與桂枝湯。若不
上衝者。不得與之。此太陽之氣已隨下陷之非所宜者也。又曰

傷寒脈浮自汗出小便數心煩微惡寒脚攣急反與桂枝湯欲
攻其表此誤也得之便厥此病在三陰經脈之非所宜者也又
曰發汗後不可更行桂枝湯汗出而喘無大熱者可與麻黃杏
仁甘草石膏湯此汗後餘邪乘肺之非所宜者也知所宜又知
所忌則神乎桂枝湯之用矣

桂枝加葛根湯

桂枝 三兩 芍藥 三兩 甘草 二兩 生薑 三兩 大棗 十二枚 葛根 四兩

已上六味以水一斗先煮葛根減二升內諸藥煮取三升溫服
一升覆取微似汗不須啜粥餘如桂枝將息及禁忌法